

**Date:** 28 December [1580]<sup>1</sup>

**REF:** GD112/39/15/2

**Place:** Tullibardine

**From:** William Murray of Tullibardine

**To:** Colin Campbell of Glenorchy

**Address:** To ye richt honorable and his assurit eyne the Lard of Glenvrquhy

Eftir my weiray hartly commendatioun. I ressavit zour vreting fra  
Maister George Quhyt zour servand togiddir with tua hundreth  
twenty sax li iij s j d of the malis of Discher and Tocher and  
hes giffin him acquittance yairupoun. Albeit I luikit to haif  
gottin compleit paiement fra zow of all termes yairof sen ye  
Kingis Grace accepit ye government on him self. Ze onderstand  
the Kingis Maiestie hes to do with his avin as ony vyer in  
Scotland hes. And yairfoir vill pray zow bayth for zour  
awin veilfair and my releif to provyd for ye rest that  
ze suld pay becaus I am riddin over to my comptis yat  
zouris compt ma be endit with the rest. Quhilk I  
dout nocht bot ze will do in respect of the caussis foirsaid  
and to my sparing of zow ferder I think it bot  
my dwite to do zow all ye plesour and furtherance  
I can and gif ony vyer had bein in zour ... I  
vald nocht sparit sa lang. And yairfoir hoipis ze  
vill do diligens to further in ye rest ze suld do  
that zour compt ma be endit as saidis as I salbe  
reddy to do zow all ye plessour I can sa lang as  
I leif. And sua with my hartly commendatioun to zour  
bedfallow committis zow to Godis protectioun. From  
Tulibard yis xxviiij of December. Be zour assurit  
at pwere,

Tulibard

Comptrollere

---

<sup>1</sup> Tullibardine's discharge for mails of Discher and Toyer, 17 January 1581,  
GD112/1/228; 231.